



12-01-2024

Trakian

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04) i člana 4. Pravilnikom o kriterijima i raspodjeli novčanih sredstava za dodjelu novčane pomoći starijim osobama („Službene novine Kantona Sarajevo“ broj 11/21, 6/22 i 6/23), Općinski načelnik objavljuje

JAVNI POZIV za dodjelu novčane pomoći starijim osobama

1. PREDMET JAVNOG POZIVA

Predmet ovog Javnog poziva je dodjela:

- Stalne novčane pomoći za penzionere u stanju socijalne potrebe;
- Stalne novčane pomoći za lica u stanju socijalne potrebe koja su starija od 60. godina i bez primanja;
- Jednokratne novčane pomoći za kupovinu lijekova penzionerima i licima starijim od 60 godina bez primanja;
- Novčane pomoći za troškove kućne njege.

2. FINANSIJSKA SREDSTVA

Sredstva za dodjelu jednokratne pomoći su predviđena Odlukom o privremenom finansiranju potreba Općine Centar Sarajevo za period januar – mart 2024. godine broj 01-11-13013/23 od 28.12.2023. godine i raspoređivat će se u skladu sa Pravilnikom o kriterijima i raspodjeli novčanih sredstava za dodjelu novčane pomoći starijim osobama („Službene novine Kantona Sarajevo“ broj 11/21, 6/22 i 6/23).

Ukoliko nakon usvajanja budžeta Općine Centar Sarajevo za 2024. godine budu predviđena sredstva za ove namjene, ista će raspoređivati do njihovog utroška u skladu sa budžetom.

3. UVJETI ZA OSTVARIVANJE PRAVA NA NOVČANU POMOĆ

Uvjeti za ostvarivanje prava na stalnu novčanu pomoć su :

- a) da podnosilac zahtjeva ima prebivalište na području općine Centar Sarajevo od najmanje jedne godine do dana podnošenja zahtjeva ili boravište po osnovu statusa raseljene osobe;
- b) da je podnosilac zahtjeva penzioner ili lice starije od 60. godina bez primanja;
- c) da ukupna primanja porodičnog domaćinstva podnosioca zahtjeva ne prelaze iznos minimalne penzije ostvarene u FBiH prema posljednjim statističkim pokazateljima, s tim da se kao primanja ne računaju primanja ostvarena po osnovu priznatih prava čije je rješavanje u nadležnosti kantonalnog Centra za socijalni rad i to po osnovu utvrđenog: prava na tuđu njegu i pomoć, prava na topli obrok putem Javne kuhinje, prava na ličnu invalidninu, prava na stalnu novčanu pomoć;
- d) da nitko od članova porodičnog domaćinstva podnosioca zahtjeva nije vlasnik preduzeća, samostalne ili dopunske djelatnosti;
- e) da podnosilac zahtjeva nema riješeno stambeno pitanje;
- f) ukoliko je stambeno pitanje riješeno, da podnosilac zahtjeva nije vlasnik stana u zgradi kolektivnog stanovanja većeg od 50m² za jednočlano domaćinstvo a ukoliko

se radi o višečlanom domaćinstvu za svakog narednog člana dodaje se 10m² po članu;

- g) ukoliko je stambeno pitanje riješeno, da podnosilac zahtjeva nije vlasnik stana u individualnom stambenom objektu većeg od 60m² za jednočlano domaćinstvo a ukoliko se radi o višečlanom domaćinstvu za svakog narednog člana dodaje se 15m² po članu.

Uvjeti za ostvarivanje prava na jednokratnu novčanu pomoć za kupovinu lijekova su :

- a) prebivalište na području općine Centar Sarajevo od najmanje jedne godine do dana podnošenja zahtjeva ili boravište po osnovu statusa raseljene osobe;
- b) da je podnosilac zahtjeva penzioner ili lice starije od 60. godina bez primanja;
- c) da se lijek za koji se traži jednokratna novčana pomoć ne finansira ili djelimično sufinansira putem Zavoda zdravstvenog osiguranja;
- d) da ukupna primanja porodičnog domaćinstva podnosioca zahtjeva ne prelaze iznos dvije minimalne penzije ostvarene u FBiH prema posljednjim statističkim pokazateljima;

Uvjeti za ostvarivanje prava na novčanu pomoć za troškove kućne njege su:

- a) da podnosilac zahtjeva ima prebivalište na području općine Centar Sarajevo najmanje jednu godinu do dana podnošenja zahtjeva ili boravište po osnovu statusa raseljene osobe;
- b) da je podnosilac zahtjeva penzioner ili lice starije od 60. godina bez primanja;
- c) da ukupna primanja porodičnog domaćinstva podnosioca zahtjeva ne prelaze iznos dvije minimalne penzije ostvarene u FBiH prema posljednjim statističkim pokazateljima, s tim da se kao primanja ne računaju primanja ostvarena po osnovu priznatih prava čije je rješavanje u nadležnosti kantonalnog Centra za socijalni rad i to po osnovu utvrđenog: prava na tuđu njegu i pomoć, prava na topli obrok putem Javne kuhinje, prava na ličnu invalidninu, prava na stalnu novčanu pomoć;
- d) da je podnosiocu zahtjeva putem nadležnog Centra za socijalni rad utvrđeno pravo na tuđu njegu i pomoć od strane druge osobe ili da ima preporuku JU Dom zdravlja Kantona Sarajevo da radi prirode bolesti odnosno stanja u kojem se nalazi ima potrebu za pružanjem usluga kućne njege od strane drugog lica.

Izuzetno, lica koja imaju najmanje godinu dana prebivališta na području općine Centar Sarajevo, a koja zbog terminalne faze bolesti imaju preporuku o potrebi kućne njege od JU Dom zdravlja Kantona Sarajevo, mogu ostvariti pravo na izuzetnu novčanu pomoć za troškove kućne njege.

4. POTREBNA DOKUMENTACIJE

Podnosioci zahtjeva za dodjelu jednokratne novčane po ovom Javnom pozivu dužni su dostaviti sljedeću dokumentaciju:

a) Za stalnu novčanu pomoć

- uvjerenje o kretanju za podnosioca zahtjeva;
- prijava prebivališta za članove porodičnog domaćinstva podnosioca zahtjeva;
- kućna lista;
- dokaz da je podnosilac zahtjeva penzioner ili lice preko 60 godina bez primanja;
- dokaz o visini primanja za sve punoljetne članove domaćinstva;
- dokaz o nezaposlenosti članova porodičnog domaćinstva ukoliko nisu u radnom odnosu;
- uvjerenje da li su punoljetni članovi porodičnog domaćinstva poreski obveznici;
- dokaz o kvadraturi stambene jedinice ;
- medicinska dokumentacije za oboljele članove porodičnog domaćinstva;
- tekući račun podnosioca zahtjeva.

b) Za jednokratnu novčanu pomoć za kupovinu lijekova

- uvjerenje o kretanju za podnosioca zahtjeva;
- prijava prebivališta za članove porodičnog domaćinstva podnosioca zahtjeva;
- kućna lista;
- dokaz da je podnosilac zahtjeva penzioner ili lice preko 60 godina bez primanja;
- dokaz o visini primanja za sve punoljetne članove domaćinstva;
- dokaz o nezaposlenosti članova porodičnog domaćinstva ukoliko nisu u radnom odnosu;
- preporuka nadležnog ljekara o potrebi korištenja određenog lijeka;
- predračun apoteke za lijek koji je potreban a koji se ne finansira ili sufinansira putem Zavoda zdravstvenog osiguranja KS.

c) Za novčanu pomoć za troškove kućne njege

- uvjerenje o kretanju podnosioca zahtjeva;
- dokaz da je podnosilac zahtjeva penzioner ili lice preko 60 godina bez primanja;
- dokaz o visini primanja za sve punoljetne članove domaćinstva;
- rješenje nadležne Službe socijalne zaštite/Centar za socijalni rad o prizatom pravu na tuđu njegu i pomoć od strane druge osobe ili preporuka JU Dom zdravlja Kantona Sarajevo o potrebi za uslugama kućne njege za podnosioca zahtjeva.

5. PODNOŠENJE PRIJAVA/ZAHTJEVA NA JAVNI POZIV , ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo (www.centar.ba).

Javni poziv ostaje otvoren do kraja tekuće budžetske godine ili do utroška planiranih budžetskih sredstava.

Zahtjev sa potrebnom dokumentacijom se podnosi Službi za boračko-invalidsku i socijalnu zaštitu -Odsjek za socijalnu zaštitu poštom preporučeno ili putem Protokola Općine Centar Sarajevo, Mis Irbina 1.

Zahtjevi će se rješavati po redoslijedu podnošenja.

Služba je dužna u roku od 30 do 60 dana od dana podnošenja riješiti zahtjev i o tome obavijestiti podnosioca.

Neblagovremene i nepotpune prijave neće se uzimati u razmatranje.

Dodatne informacije se mogu dobiti na broj telefona: 033/562-456 ili 033/562-447.

NAPOMENA: Korisnici koji ostvare pravo po ovom Javnom pozivu , dužni su dodijeljena finansijska sredstva pravdati na način koji će biti utvrđen zaključkom Općinskog načelnika.



Općinski načelnik
Srdan Mandić